

ქ. რუსთავი

12 თებერვალი 2021 წ.

ერთის მხრივ, ა(ა)იპ „ქალაქ რუსთავის საბავშვო ბაგა-ბაღების გაერთიანება“ (შემდგომში შემსყიდველი) წარმოდგენილი მისი დირექტორის ეკატერინა ხუციშვილის სახით და მეორეს მხრივ შპს „ეტალონი“ (შემდგომში მიმწოდებელი) წარმოდგენილი მისი დირექტორის თენგიზ ფილიშვილის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს<sup>1</sup> ქვეპუნქტის საფუძველზე, გამარტივებული შესყიდვის საშუალებით, დებენ წინამდებარე სახელმწიფო შესყიდვის შესახებ ხელშეკრულებას (შემდგომში ხელშეკრულება) შემდეგზე:

### 1. შესყიდვის ობიექტი

- 1.1. გაერთიანების №34-ე ფილიალში სასმელი წყლის ანალიზი CPV71900000 (შემდგომში მომსახურება) ხელშეკრულების პირობების შესაბამისად;
- 1.2. მომსახურება მოიცავს, სასმელი წყლის ნიმუშის მიკრობიოლოგიური ანალიზის ჩატერებას შემდეგ მაჩვენებლებზე:
  1. მეზოფილური აერობული და ფაკულტატური ანაერობული მიკროორგანიზმები - 37 გრადუსზე;
  2. მეზოფილური აერობული და ფაკულტატური ანაერობული მიკროორგანიზმები - 22 გრადუსზე;
  3. საერთო კოლიფორმული ბაქტერიები;
  4. Ecoli.

### 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 80,00 (ოთხმოცი) ლარს დღგ-ს ჩათვლით. მათ შორის:
  - მეზოფილური აერობული და ფაკულტატური ანაერობული მიკროორგანიზმები - 37 გრადუსზე - 20.00 ლარი;
  - მეზოფილური აერობული და ფაკულტატური ანაერობული მიკროორგანიზმები - 22 გრადუსზე - 20.00 ლარი;
  - საერთო კოლიფორმული ბაქტერიები - 20.00 ლარი;
  - Ecoli. - 20.00 ლარი.
- 2.2. ხელშეკრულების ჯამური ღირებულება მოიცავს მომსახურების (სასმელი წყლის ნიმუშის აღება №34-ე ფილიალიდან, მიკრობიოლოგიური ანალიზის ჩატერება შერჩეულ მაჩვენებლებზე, კვლევის შედეგების ანალიზი-შეფასება და რეკომენდაციის მომზადება) სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.

### 3. ანგარიშსწორება

- 3.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში;
- 3.2. ანგარიშსწორება განხორციელდება ერთჯერადად, შესაბამისი მიღება-ჩაბარების აქტის გაფორმებიდან და საგადასახადო ანგარიშფაქტურის წარმოდგენიდან 10 (ათი) სამუშაო დღის განმავლობაში;
- 3.3. წინასწარი ანგარიშსწორება არ გამოიყენება;
- 3.4. დაფინანსების წყარო - 2021 წლის ადგილობრივი ბიუჯეტი.

#### **4. მომსახურების გაწევის ვადა და ადგილი**

- 4.1. მომსახურების გაწევის ადგილი: გაერთიანების №34-ე ფილიალი, მის: ქ. რუსთავი, VIII მ/რ-ნი;
- 4.2. მომსახურების გაწევის ბოლო ვადა: არაუგვიანეს 2021 წლის 26 თებერვლი.

#### **5. შესყიდვის ობიექტის მიღება-ჩაბარების წესი**

- 5.1. გაწეული მომსახურების მიღება განხორციელდება მხარეთა შორის გაფორმებული მიღება-ჩაბარების აქტის საფუძველზე;
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირები: გაერთიანების დირექტორი, გაერთიანების კვებისა და სანიტარული ნორმების ინსპექტირების გან-ბის უფროსი, გაერთიანების №34-ე ფილიალის გამგე.

#### **6. მხარეთა უფლება-მოვალეობები**

##### **6.1. შემსყიდველი ვალდებულია:**

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები,
- ბ) ხელშეკრულებით გათვალისწინებული მომსახურების გაწევისას საქმის კურსში დროულად ჩააყენოს მიმწოდებელი ყველა განსაკუთრებული გარემოებების წარმოშობისას,
- გ) ხელშეკრულების პირობების გათვალისწინებით აუნაზღაუროს მიმწოდებელს გაწეული მომსახურების ღირებულება.

##### **6.2. შემსყიდველი უფლებამოსილია:**

- ა) ხელშეკრულების მიმდინარეობის ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

##### **6.3. მიმწოდებელი ვალდებულია:**

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულება.

##### **6.4. მიმწოდებელი უფლებამოსილია:**

- ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების დაცვით.

#### **7. ხელშეკრულებით ნაკისრი ვალდებულებების შესრულების კონტროლი**

7.1. ხელშეკრულებით ნაკისრი ვალდებულებების შესრულების კონტროლს (ინსპექტირება) განახორციელებს გაერთიანების კვებისა და სანიტარული ნორმების ინსპექტირების განყოფილება, გან-ბის უფროსის სახით.

##### **7.2. ინსპექტირების გამწევის ფუნქციებია:**

- ა) მიმწოდებლის მიერ გაწეული მომსახურების ხელშეკრულების პირობებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება-ჩაბარების აქტის გაფორმება,
- ბ) მიმწოდებელთან ანგარიშსწორების პროცესის რეგულირება,
- გ) ინსპექტირების გამწევი პირი გამოვლენილ ხარვეზებსა და ნაკლოვანებებს აფიქსირებს ოქმით.

7.3. ხელშეკრულებით ნაკისრი ვალდებულებების შესრულებისას გამოვლენილი ყველა ხარვეზისა და ნაკლოვანებების გამოსწორება ხდება მიმწოდებლის მიერ საკუთარი ხარჯებით.

## **8. ხელშეკრულების პირობების შეუსრულებლობა**

- 8.1. მხარეთა მიერ ხელშეკრულებით ნაკისრი ვალდებულებების შესრულების ვადის გადაცილებისათვის მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ს ოდენობით;
- 8.2. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 1%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

## **9. დაუძლეველი ძალა**

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## **10. ხელშეკრულებაში ცვლილებების შეტანა და ხელშეკრულების შეწყვეტა**

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით ურთიერთშეთანხმების საფუძველზე;
- 10.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით;
- 10.3. დაუშვებელია ხელშეკრულების შეცვლა, თუ ამ ცვლილების შედეგად იზრდება ხელშეკრულების ღირებულება ან შემსყიდველი ორგანიზაციისათვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 10.5. ხელშეკრულების ერთ-ერთი მხარის მიერ ნაკისრი ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 10.6. მხარე ვალდებულია 10.5. პუნქტით გათვალისწინებული გადაწყვეტილების მიღების განზრახვის შესახებ არანაკლებ 3 (სამი) კალენდარული დღით ადრე წერილობით, ან კომუნიკაციის ელექტრონული საშუალების გამოყენებით აცნობოს მეორე მხარეს;
- 10.7. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

## 11. სადაო საკითხების გადაწყვეტა

- 11.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკების საფუძველზე.
- 11.2. შეთანხმების მიუღწევლობის შემთხვევაში დავების გადასაწყვეტად მხარეებს უფლება აქვთ მიმართონ სასამართლოს საქართველოს მოქმედი კანონმდებლობის წესით.

## 12. ხელშეკრულების მოქმედების ვადა

ხელშეკრულება ძალაშია 2021 წლის 12 თებერვლიდან და მოქმედებს 2021 წლის 31 მარტის ჩათვლით.

### შემსყიდველი

ა(ა)იპ „ქალაქ რუსთავის საბავშვო ბაგა-ბაღების  
გაერთიანება“  
მის: ქ. რუსთავი, კოსტავას გამზ. №20  
ს/კ 216439325  
სახელმწიფო ხაზინა  
ბანკის კოდი: TRESGE22  
ა/ა GE24NB0330100200165022  
დირექტორი  
ეკატერინა ხუციშვილი

### მიმწოდებელი

შპს „ეტალონი“  
მის: თბილისი, ჩარგლის ქ.# 73.  
ს/კ: 200141612  
სს „საქართველოს ბანკი“  
ბანკის კოდი: BAGAGE22  
ა/ა GE73BG0000000116674200  
დირექტორი  
თენგიზ ფილიშვილი